

Yam Uas Koj Yuav Tsum Tau Paub Txog Ntawm Koj Cov Tshuaj Kho Tus Kab Mob Sib Kis Vas Nab Lauj (TB)

Tshuaj RIFAMPIN

Koj tau txais cov tshuaj los mus kho koj tus kab mob sib kis Vas Nab Lauj (TB) lawm. Koj tsis muaj tus kab mob Vas Nab Lauj (TB) thiab tsis tau kis tus kab mob Vas Nab Lauj (TB) rau ib leej tib neeg twg. Cov tshuaj no yuav pab kom koj **ZAM DHAU** kev kis tau tus kab mob Vas Nab Lauj (TB).

Nyob rau lub sij hawm uas noj Cov Tshuaj no:

- Qhia rau koj tus kws kho mob los sis tus nawj yog hais tias koj muaj lus nug los sis nyhav siab txog ntawm cov tshuaj.
- Mus ntsib koj lub tsev kho mob raws li daim phiaj xwm.
- Sib tham txog kev siv dej caw nrog koj tus kws kho mob. Kev haus cawv yuav ua rau muaj qhov tsis zoo tshwm sim.
- Qhia rau koj tus kws kho mob txog ntawm txhua yam tshuaj uas koj tau noj.
- Nco qab ntsoov qhia rau lwm tus kws kho mob tias koj tab tom nyob rau qhov kev kho tus kab mob sib kis Vas Nab Lauj (TB).
- Noj kom tag koj cov tshuaj uas koj tus kws kho mob los sis tus nawj kho kab mob Vas Nab Lauj (TB) tau hais qhia rau koj ntawd.
- Qee leej tib neeg pom tias cov tshuaj ua rau lawv noj zaub noj mov tsawg dua.

Cov Ntawv Qhia Pab rau Koj Noj Koj Cov Tshuaj:

- ✓ Noj koj cov tshuaj nyob rau ib lub sij hawm txhua hnuv.
- ✓ Caws moo ceeb toom lub sij hawm uas koj yuav tsum tau noj koj cov tshuaj.
- ✓ Kom ib tus neeg hauv koj tsev neeg los sis koj ib tus phooj ywg ceeb toom kom koj noj tshuaj.
- ✓ Siv ib lub taub rau cov ntsiav tshuaj.
- ✓ Lo ib daim ntawv ceeb toom rau ntawm daim tsom iav los sis rau ntawm lub tub yees.
- ✓ Siv daim ntawv qhia hnuv hli (calendar) los mus suav xam cov hnuv thaum koj noj koj cov tshuaj.

Lub Sij Hawm Noj Cov Tshuaj Kho Tus Kab Mob Sib Kis Vas Nab Lauj (TB):

(Tus Muab Tshuaj: Yuav tsum qhia lub sij hawm, cov hnuv thiab cov ntsiav tshuaj noj kom raug)

Cov Tshuaj	Lub Sij Hawm	Cov Ntsiav Tshuaj Noj Taj Ib Hnuv	Qhov Ntev Ntawm Lub Sij Hawm
Tshuaj Rifampin	Xwm Yeem		4 hlis

Koj tus kws kho mob yuav cia koj ntsib tus neeg ua hauj lwm saib xyuas kev noj qab nyab xeeb los mus muab cov ntshuaj rau koj. Cov phiaj xwm no raug hu ua kev kho mob tsom kwm ncaj nraim (directly observed therapy (DOT)).

YOG HAIS TIAS KOJ HNOV QAB NOJ KOJ COV TSHUAJ LAWV: Yog hais tias nws tseem tsis tau dhau hnuv, koj yuav tsum noj sai li sai tau yog thaum koj nco qab dheev txog ntawd. Tsis txhob noj 2 zaub nyob rau ib lub sij hawm.

LUS CIM

Kuv tus kws kho mob lub npe:
Kuv lub tsev kho mob lub npe:
Tus zauv xov tooj ntawm kuv lub tsev kho mob:



Saib txog Cov Teeb Meem Tuaj Yeem Tshwm Sim Tau ntawm no:

TSUM txob noj koj cov tshuaj tam sim ntawd **THIAB** hu rau koj tub kws kho mob Vas Nab Lauj (TB) los sis tus nawj tam siv yog hais tias koj muaj cov teeb meem xws li hauv qab no:

- Tsis qab los, los sis tsis nqhis zaub mov
- Mob plab
- Xeev siab los sis ntuav
- Tso zis liab los sis tso quav liab
- Doog yooj yim los sis ntshav tawm yooj yim
- Sawv pob los sis khaus
- Daj ntseg los sis ntsiab muag daj
- Tsis muaj zog los sis sab
- Ua npaws
- Mob taub hau los sis mob ib ce
- Kiv taub hau

LUS CIM: Nws yuav tsis muaj dab tsi yog hais tias koj cov zis, qaub ncaug, los sis kua muag muaj tsos daj liab. Cov tsom iav qhov muag yuav dhau los mus khub.